

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 4.1 EN 4.2

AKTE VAN TRANSPORT DOOR JAN CLAASZ. BOGGE

AAN CATHARINA WEDUWE VRANK LUDOLFSZ.

VAN EEN RENTE VAN £6

UIT DE WONING VAN DIRK BARNIER

1342 -- 1392

2 CHARTERS

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Inv. 4.1.

Ic Jan Bertelmeus soen scouten inden ambocht van Wateringhe make cont allen luden dat Jan Bogghe Claijs soen voir mi quam in volle ghebannen dinghe inden ambacht ter Wateringhe ende droech op Katrine Vranke Ludolfs soens weduwij die zes pont jaers in allen manieren ende voirwaerden als dese doirsteken brief inhout ende daertoe die verschenen renten. In kennesse der waerheijt so heb ic Jan Bartelmeus soen scouten voirschr. desen brief open beseghelt met minen seghel. Ende omme mere sekerhede wille heb ic Jan Bogghe Claijs soen voirsz. desen brief mede beseghelt met minen segel. Int jaer ons heren dusent driehondert een ende tnegentich tsaterdaechs na Sente Marcus dach Evangeliste.

Inv. 4.2.

Ic Florijs van Alfien scouten ter Wateringhe make cont ende kenlijc alle den ghenen die desen brief sullen sien of horen lesen dat Dirc Barnier quam ter Wateringhe voir mi ende voir die bure ende gheliede dat hi hadde vercoft Clais Robbrechts zone zes pond ghelts, jaerlix renten op sine woninghe ter Wateringhe die men Zeventien morgen lants hiet ende op ene morghen lands die de Vleder Putsmorgen hiet. In desen voirscreve achtien morghen lands heeft Dirc Barnier, Jan Knoep sinen suagher met Aechten sine dochter te huwelic gheven drie morghen lands van der oestzide in. Ende Jan Knoep voirseid heeft him verclaert voir nu ende voir die bure, dat dese zes pond tsiaers sullen staen op desen voirghenoemden lande, morghen morghen ghelijc. Ende dese voerscreven renten mitten renten alle jaren half te Valckenburgher marct ende half te Alre Heijligher misse te betalen met ghelde of met panden alse recht is van landhure. Ende ware dat men op den lande niet en vonde te panden ende datt niemant voir niet voldae en woude, so soude die rechter metten burenen varen op de lande ende pachten him sine verscenen renten den derden penninc beter an den lande. Voirt heeft him Dirc Barnier ende Jan Knoep voirghenoemt verwilcoert wair dat him van desen voirscreven lande met enighen rechte hiet of ghewonnen of ontgheven worde, nochtans so soude Clais voirseid sine renten al heel behouden opt erve dats Dirc Barnier ende Jan Knoep of horen erfnamen bleve. Ende omdat alle dese voirwaerden voer nu ende voir die bure gheschied sien, so hebbe ic Florijs voirscreven desen brief bezeghelt met minen zeghele. Ende om de meere sekerhede so hebbe ic Dirc Barnier desen brief mede bezeghelt met minen zeghele. Ghegheven int jaer ons heren dusent drie hondert twee ende viertich des sonnendaghes na Sente Odulfs daghe.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 5.1 -- 5.4

AKTE VAN TRANSPORT DOOR JAN CLAASZ. BOGGE

AAN CATHARINA WEDUWE VRANK LUDOLFSZ.

VAN EEN RENTE VAN £4

UIT DE WONING VAN DIRK BARNIER

1351 -- 1391

4 CHARTERS

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen (anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Inv. 5.1

Ic Jan Bertelmeus soen scoute inden ambachte van der Wateringe make cont allen luden dat Jan Bogghe Claijs zoen voir mi quam in vollen ghebanne dinge in den ambochte te Wateringe ende droech op Katrine Vranke Ludolf soens weduwi die vier pont jaers in alle manieren ende voirwaerden alse dese duersteken brieve daer of inhouden ende daertoe die verschenen rente. In kennesse der waerheijt so heb ic Jan Bertelmeus soen scoute voerscr. desen brief open beseghelt met sinen segel. Ende omme die meerre sekerhede wille so heb ic Jan Bogghe Claijs soen desen brief mede besegelt met minen segel. Int jaer ons heren dusent driehondert een ende tnegentich tsaterdaechs na Sente Marcus dach Ewangeliste.

Inv. 5.2.

Ic Bertelmees bastaird van der Wateringhe scout inden ambocht van der Wateringe make cond allen luden dat voir mi quam in vollen ghebannen dinghe in den ambocht ter Wateringhe heer Jan van Grimbergen priester ende Aleijd sijn zuster heren Philips kinder van Voorburch en droeghen op mit haers voeghers hand Claes Robbrechts sone vier pond hollantschen siaers. In allen manieren ende voirwairden alse dese doirstekenen brieve inhouden ende daertoe die verschenen renten. Ende waer dat Claijs vorsz. an desen renten ijert gebrake, dat sel hi verhalen an heren Jans goeden voirsz. ende an Aleijden zijnre zuster goeden, waerd ghelegghen is. In kennessen der waerheid heb ic Bertelmees scout vorsz. desen brief mede beseghelt mit minen seghel. Ende waert ic Aleijd vorsz. selve ghenen seghel en hebbe, so heb ic ghebeden Pieter Sijmons sone dat hi desen brief in kennesse der waerheid vor mi beseghelen wil. Ende ic Pieter vorsz. om bede Aleijden vorsz. heb ic desen brief beseghelt mit minen seghel. Int jaer ons heren dusent driehondert vijf ende tseventich op Sinte Blasius dach.

Inv. 5.3.

Alle den ghenen die desen brief sullen sien of horen lesen make kont ende kenlick Clais Willen soen nu in der tijt scout in den ambocht van der Wateringhe dat voer ons comen in vollen gherechte ende in ghebannen dinghe mit asinghe ende mit den buren mit volre bancke heer Florijs Grube Aernde Gruben soen priester ende verliede mit sinen ghecoren voeghet dat die proest van Delft haer Phillips van Groenevelt jeghens hem ghecoft heeft vier groiten hollants jaerlicser renten die hem anecomem waren van recht erfnesse van sijns vader doet. Ende die Arend Grube cofte jeghens Dirck Barnier seventien morghen landts, leggende int ambacht van der Wateringhe in Dirck Barniers woninghe, toete Jans behoef van Grimberghen ende Aleijt sijnre suster heeren Philips kinderen van Voerburch, daer haer Florijs voerseit ghoe de brieve die hi daer of hadde mit Dirck Barniers seghel beseghelt ende mit Philips seghel van der Werve die doe in der tijt scoute was int ambocht van der Wateringhe. mit sijns corens voeghets hant Sanne van Grimbergen ende Aeleijt en haren rechte voegghden over ghaf ende den eijghendom van den voerseijde renten. Ende Jan van Grimberghen, Aeleijt ende haer rechte voegghden daer in den eijghendom mit recht ende mit vonnesse ghebannen worden ende haren verde ban daer of ghaven ende haer Florijs daer uijtghebanne alse recht is in den lande. Ende desen eijghendom van desen vier pont hollants jaerlicser renten voerseit heeft Jan ende Aeleijt voorscreven ende daer dese voerwaerde ende eijghendom gheschiede, saten dese buren ter banck biden scoute ende biden asinghe Jan Raedaert, Vuke Claes Neven soon, Jan Willaems soen, Clais Diedwaer soen, Jan die Cruper ende Jan Jacobs soen ende ander bure ende ghoeder lude vele. In oirkonde ende in kennesse der waerheden heb ic Clais Willen soen voirseit scoute nu ter tijt in den ambochte van der Wateringhen desen brief beseghelt mit minen seghel. Ghegheven ende gheschiet inden jare ons heren dusent driehondert twee ende vijchtich des woensdaghes voer Sent Sijmon ende Juden dach apostelen.

Inv. 5.4.

Alle den ghenen die desen brief sullen zien of hooren lesen make wi cont haer Dirck Boijdijsz. priester, Jan van Dijepenberch ende Jan Butziel porters in der stede van Delft dat voer ons is coemen haer Florens Groebe priester, Arndt Gruben zoen ende geliede bi sinen vrien wille daer bi was IJsebrant

cappelaen, Heijneman Nannen zoen, Jan Florijs Haverdops zoen ende Aerndt de Meester porters binnen Delft, dat hi vercoft heeft den proets van Delft toete Jans behoef van Grimberghen ende Nelleije sijnre suster sien Phillips kinder van Voerburch mijns neven die hi heeft bi Aechte Vriesen dochter van der Werve, vier pont hollands ghoets ghelts jaericser renten, gheleghen in den ambocht van der Wateringhe in Dirck Barniers woninghe up achtien morghen lands in alsulker manieren ende voerwaerden als die brief daer of hout die Phillips van der Werve scout doe in der tijt int ambocht van der Wateringhe ende Dirck Barnier selve, Arndt Gruben heren Florens vader, die de renten selve jehens Dirck eerst cofte, beseghelt hebbe. Ende wilcke renten die proest ghecoft heeft toeter kinder behoef voerseit omme szevenach ghonden (?) sal de ghoet van monten ende van ghenuchte. Ende die heren Florens anecoemen sijn mit besterfte van sinen vaderlicken erve. Wilcke vier pont jaericse renten voor ons ende voer die voerseijde porters haer Florens voerseit die hantveste overghegheven heeft ende quite ghesconden heeft den eijghendomme toter kinder behoef voerseijt. Ende daer haer Phillips van Voerburch vans proets weghe toeter kinder behoef die hantveste ende den eijghendoem voer ons of ontfaen heeft ende daer of mit wietelicke coepe der bander scout ghemaeket heeft. In deser manieren dat die renten van den enen kinde upt ander erflic upt conder comen sel. Ende waer dat sake dat alle deze kinder storven sonder witachtighe boert, so soude die renten voerseit voert erflic comen up heren Phillips dochter kinder Aechten die si heeft bi Dirck van der (Sanre) of waren die niet, up Philips selve ende op sine rechte erfnamen ende ijmmmer up sijne kinder des si sien. Ende van desen coep heeft haer Florens voerseit voer ons verliet den lesten penningh betaelt mit den eersten ende alle dinghe sonder argelist. Ende omme dat dit waer is ende voer ons aldus gheschiet ende verliet, soe hebic desen brief beseghelt mit onsen seghelen. In oerkonde en in kennesse van desen coepe ende van allen saken die voerscreven staen, soe hebic haer Florens Groebe priester voerseit desen ghoeden luden voerscreven desen brief beseghelt mit minen seghel of loene mit ghoeden (tuwen) wanneer men recht doet int ambocht van der Wateringhe den kinder vol te done voer den rechter ende voer die bure. Ghegheven ende ghemaect in den jare ons heren dusent drie hondert een ende vijftich des donredaghes in Sente Pontiaens avont.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 6

AKTE VAN VERKOOP DOOR DOE JANSZ.

AAN CATHARINA WEDUWE VRANK LUDOLFSZ.

VAN DE HELFT VAN 7½ HOND LAND

IN WATERINGEN

1409

1 CHARTER

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Ic Doe Jans soen doen cond allen luden dat ic vercoft hebbe Katherin Vrancken Ludolfs soens wedewij een helft van achtendalf hont lants dat ghelegghen is in den ambocht van der Wateringhe, ghemeenre voer ende mengder aerde mit Willem van den Veen. Ende belije mi an den coep des lants voirschr. wel betaelt, den eersten penninc mit den lesten. Ende hebbe gheloift ende loven Katherinen voir ghenoeemt dit voirschr. lant te waren tot ewelicken daghen een vrij eijghen erve voir mi ende minen nacomelinghen hair ende hair nacomelinghen, wtgheset staende up die morgen achtien scelling hollant tsiairs paijments die Katherijn voirschr. daer up heeft. Ende omdat dit waer is ende ic selve gheen zeghel en hebbe, soe hebbe ic ghebeden Gherijt van Stienvoirden scout in den ambocht van Wateringhe dat hi desen brief van mi beseghelen wil mit sinen zeghel. Ende ic Gherijt voirschr. om bede willen van Doe Jans soen voirghenoemt hebbe ic desen brief bezeghelt mit minen seghel. Int jair ons heren dusement vierhondert ende neghen up Sinte Marchus dach Ewangeliste.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 7

AKTE VAN TOEWIJZING VOOR SCHEPENEN
VAN LEIDEN DOOR AALBRECHT VRANKENSZ.
VAN LAND DAT DE KINDEREN VAN ZIJN BROER
JAN WERD VERMAAKT DOOR HUN GROOTMOEDER
CATHARINA WEDUWE VRANK LUDOLFSZ.

1429

1 CHARTER

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Wi Jan Reijner Ghijsbrechtsz.sz. ende IJsbrant van Alcmade Willemsz. scepenen in Leijden oirkonden dat voir ons quam Aelbrecht Vranckensz. ende bewijsde den poortmeesters van Leijden tot behoef Jan Vranckensz. sijns broeders kinder onse mede porter als Claes, Willem, Margriet, Aechte, Ane, Lijsbet ende Janna voir sulc testament ende besprec als Katrijn Vranc Ludolfsz. weedwe zijn moeder den kinderen voirsch. gemaect heeft ende besproken. Ende voir alsulcke goeden, erven ende erfnesse alsoe hun van hore ander moeder voirsch. an bestorven mogen wesen. Elken kinde voirn. alsulc lant als hier na bescreven staet. Eerst Claes Jansz. voirsch. twee margen ende die helft van achtenhalf hont lants, gelegen inden ambacht van Waterijngen in een wonijng geheten Berniers wonijng, gemengeder aerde ende ghemengheder vuer mit Geertruut Jan Vranckensz. voirsch. weedwi ende mit haren kinderen voirsch. Item Willem Jansz. voirsch. vier margen lants, gelegen in den ambacht van Zoeterwoude in Tedingebroec ende heeft belegen an die oest zide Fije Doenen weedwi, an die westzide Dirc Florisz. ende Jan Coep van Leijden. Item Margriet Jans dochter voirsch. negen margen lants gelegen inden ambacht van den Ketel ende heeft belegen an dat oesteynde den Cortenwech die men hiet den Buijwech, an dat westeynde de Hargwech. Item Aecht Jans dochter voirsch. ses margen lants gelegen inden Vrijenban gemengeder aerde ende gemengeder vuer mit Jan Sacksz. kinder ende mit Vranck Jansz. kinderen van Scipliede. Item Ane, Lijsbet ende Janna Jans voirsch. dochteren elx een derdendeel van twalef margen lants, ghelegen in den ambochte van Vlaerdigen ende geheten is Onderwaters lant ende heeft belegen an dat oesteynde die oude Harch, an die zuutzide Doede Dircxz., an dat westeynde ende an die noortzide die oude Vlaerding. Welc lant die poortmeesters voirsch. kennen dattet hun Aelbrecht voirsch. bewijst heeft ende dat sijt ontfangen hebben toter kinder voirsch. behoef in deser manieren ende voirwairden dat sijt niet vercopen, vervreemden noch mit enigen renten vervreemden noch belasten en sellen noch beswaren verder dant nu ter tijt is in geenrewijs. Ende wairt dat si enich van hem offlivich worde dit voirsch. lant weder comen ende erven sel op Aelbrecht voirsch. ende Geertruut Vrancken dochter sijre suster of op horen rechten erfnamen. Alle dijnc sonder arghelist. Ende wair dat zake dat Aelbrecht ende Geertruut zijn suster voirsch. of hair nacomelijngen enich gebrec, hinder of scade hierin ghevele. dat hebben Claes Claes Willemsz. ende Geertruut Claes dochter, Jan Vranckensz. weedwi zijn suster mit hoirs gecorens voichts hant der kinder voirsch. oem ende moeder gheloeft ende verwillekeurt voir ons dat men recht in te winnen in alre manieren als van erfpanning recht is. Ende die kinder voirsch. geloven mitten poortmeesters handen alsoe si onder der stede voichdie staen Claes horen oem ende Geertruut hore moeder hier of scadeloes te houden. In kennesse der wairhede so hebben wi scepen voirn. desen brief bezegelt mit onsen zeglen. Ende wi poortmeesters alsoe Gherijt Aerntsz., Jacop Rijswijc, Sijmon Vreric Dircxz. ende Dirck van Zwieten hebben om der mere zekerhede wille desen brief mede bezegelt mit onsen stede zeglen dair aen ghehangen. Ghegheven int jair on heren duijsent vierhondert negen ende twintich op Sinte Pieter ende Pouwels avont.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 8

AKTE VAN BELENING

VAN PIETER MAARTENSZ. (1572)

EN PIETERTGEN PIETERSDR. (1577)

1 CHARTER

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Phillips grave van Ligne burchgrave van Leijden banreheere van Wassenaer ende van Belloeil heer van Estambrugge (Ellenguies), Voorschoten, Catwijck, Valckenburch, Oestgeest etc. ridder van der oirden van den gulden vliese, doen condt eenen ijgelicken dat up huijden voor onsen stadthouder van de leenen Jacob de Jonge ende mannen van leene hier nae genoempt in zijnen properen persone gecompareert es Adriaen Cornelisz. woenende tot Waeteringe, verclaerende hoe dat hij all in den jaere 1500 twee ende tseventich vercoft heeft gehad Pieter Maertsz. mede tot Wateringe zeeckere zijne drije mergen ende anderhalf hont lants, van ons te leene gehouden ende gelegen inden voorsz. ambochte van Wateringen in Barniers woeninge, belegen zijnde ande oostzijde de broeders van Wateringen, aen de west, zuijt ende noortzijde die zusteren van Sinte Aechten binnen Delft. Bekennende van den selven Pieter Maertsz. zijne penningen van de coope ten vollen ontfangen ende hem inde possessie ende tgebruijck van tvoorn. landt gestelt ende hem zijnen verlije brieff overgelevert te hebben. Welcke Pieter tselve oick zulcx als zijn eijgen goet tot zijnen overliden thoe beseten, gebruijct ende gebaent heeft, mer dat hij den selven Pieter tvoorn lant tot noch toe nijet en heeft connen transporteren overmits dabsentie van onsen stedehouder die overmits die troublen tot Vuijtrecht gewecken es geweest, presenterende dvoorsz. Adriaen althans (de voorsz. onse stadthouder nu weder gecomen zijnde) zijn bebuoir daer inne te doen. Ende heeft zulcx de voorsz. Adriaen Cornelisz. tvoorn. leengoet gelegen ende belent als voeren aen handen van onsen stadthouder voorsz. ter presentie van leenmannen hijer nae genoemt mit halm, handen ende monde opgedragen ende quijtgeschonden zonder ijct meer daer aen te behouden als de voorn. leenmannen wijsden dat recht was ten behouve van Pieter Maertsz. voorsz., nu overliden, ofte actie van hem hebbende. Twelck aldus gedaen zijnde hebben wij terstondt weder omme de voorn. drije mergen anderhalf hondt verlijdt ende verleent, verlijen ende verleenen mits deesen onsen brieve. Eerst Pieter Maertsz. voorn. vuijt crachte van den transporte voorsz. Ende nu nae zijn overliden andermael Pietertgen Pietersdr. zijn enijge naegelaten kint, te houden van ons, onsen erven ende nacomelingen, heeren ende vrouwen van Wassenaer, Pietertgen Pietersdr. voorsz. haeren erven ende nacomelingen tot twee diversche verscheijden leenen ende voortst tot zulcker recht ende leene als die hantvesten ende onse registeren daervan zijn dat vuijtwijsen ende verclaeren, te verheergewaerden beijde voorsz. leenen elcx mit eenen rooden sparwer off mit vijff schellingen hollants pajjements daervoeren naer vuijtwijsen het verlije van Willem van Veen Beuckelsz. anno 1400 drie gedaen ende in onse registeren B folio 300 geregistreert alwaer tvoorn. lant doen ter tijt maer één leen en was maer zedert anno 1400 acht en tachtich int verlije van Joris Jacobsz. ende Jan Jacobsz. gebroeders int register C folio 42 van doen voorttaen tot twee leenen gemaect. Ende hijer van heeft ons voordien voorn. Pietertgen huldt, eedt ende manschap gedaen Gherrit Jansz. haeren stieffvader, daer bij aen ende over waeren meesters Jan van Banscheynde, Cornelis de Jonge beijde advocaten tHoofs van Hollandt ende Jacob van Leeuwen Claesz. onse leenmannen. Toirconde hebben wij onssen zegele hier aen doen hangen den achsten (anen) anno 1500 zeven ende tseventich.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 9

AKTE VAN BELENING

VAN CORNELIS JORISZ. VOOR

MARITGEN GERRITSDR. WEDUWE

CORNELIS JANSZ. VERCROFT

1 CHARTER

1599

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Die ridderschap, eedelen ende steden van Hollandt ende Westvrieslandt representerende de Staten van den selven lande, dat up huijden date van desen voor onsen stadthouder ende mannen van leene hijer nae genoempt, in properen persone gecompareerrt es Cornelis Willemsz. als man ende voocht van Neeltgen Jans dochter wonende in de Lijere ende heeft ons mit halm, hande ende monde getransporteert ende overgedragen, transporteert ende draecht over mits desen sonder ijert daer aen te behouden soe mannen wijsden dat recht was seeckere drije mergen anderhalff hondt landts, gelegen inder ambachte van Wateringhen in Barniers wooninghe, belegen aende oestsijde die broeders van Wateringhen, aende west, zuijdt ende noortsijden die susteren van Sinte Aechten binnen Delft, tot behouwe van Marijngen Gerrits dochter weduwe van wijlen Cornelis Jansz. Vercroft wonende int gerechte van Monster. Twelck aldus gedaen sijnde hebben wij terstondt weder omme behouden ons ende eenen ijegelijcken sijns rechts verlijdt ende verleent, verlijen ende verlenen mits desen onsen brieve de voorsz. Marijngen Gerrits dochter ande voorn. drije mergen anderhalff hondt landts gelegen ende belendt als voeren. Te houden van ons van wegen die graefflicheijt ende hooge overicheijt van hollandt als besitters vande heerlicheijden goeden ende gerechticheijden van den huijsen van Wassenaer ende Zuijdtwijck, Marijngen Gerrits voorsz. haeren erven ende nacomelingen tot twee diversche ende verscheijden leenen ende voorts tot alsulcken recht ende leene als die oude handtvesten ende onse registeren daervan sijnde dat vuijtwijsen ende verclaeren. Te verheergewaren beijde de voorschreven leenen elcx met eenen rooden sparwer off met vijff schellingen hollants pajjements daervoeren. Ende hijervan heeft ons voor de voornoempde Marijngen Gerijts huld, eedt ende manschap gedaen Cornelis Jorijs zoon haeren zwaeger als getroudt hebbende desselffs Marijngens dochter, als naer behooren. Daer bij aen ende over waeren Cornelis van Haefden ende Henrick van Coesvelt beijde leenmannen van den huijse van Wassenaer. Des toerconde hebben wij desen brief met onsen groote segele ende het contresegel van den voorsz. huijse twelck wij in gelijcke saecken gebruijcken, besegelt den twee ende twintichsten martij anno 1500 negen ende tnegentich.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 10.1 -- 10.2

AKTE VAN BELENING VAN

GERRIT MAARTENSZ. VERCROFT

MET AKTE VAN TOESTEMMING OM BIJ

TESTAMENT VRIJ OVER ZIJN LENEN

TE BESCHIKKEN

1626 EN 1629

2 CHARTERS

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Inv. 10.1.

Frederick Heijndrick bijde gratie godts prince van Orangien grave van Nassou. etc. etc. doen te weten dat wij behoudens ons ende een ijgelijx sijns rechts verlijdt ende verleent hebben, verlijen ende verleenen met desen onsen brieven Gerrit Maertensz. Vercroft drie mergen anderhalff hont lants gelegen in den ambachte van Waeteringe in Barniers wooninge, belegen sijnde aen die oostzijde die broederen van Waeteringe, aendie west, suijdt ende noordsijden die susteren van Sinte Aechten binnen Delft. Hem aengecomen bij doode ende als naeste leenvolger van Maritgen Gerritsdr, Vercroft zijn moeder. Te houden van ons als besitter van de goederen, heerlicheijden ende gerechticheijden van den huijse van Wassenaer ende Zuijdwijck. Gerrit Maertensz. Vercroft voorsz. sijnen erven ende naecomelingen tot twee diversche ende verscheijde leenen ende voorts tot alsulcken recht ende leene als die oude hantvesten ende registeren daervan sijnde dat uijtwijsen ende verclaeren. Te verheergewaerden beijde de voorsz. leenen elx met een rooden sparwer off met vijff schellingen hollands pajments daer vooren. Ende van desen voorsz. leene heeft ons huldt, eedt ende manschap gedaen naer behooren de voorsz. Gerrit Maertensz. Vercroft, waer bij aen ende over waeren Joachim Coop van Groen notaris ende Jan van Persijn leenmannen van den huijse van Wassenaer ende Zuijdwijck voorsz. Ten oirconden hebben wij hier aen doen hangen onsen zegel dat wij totte leenen van Wassenaer gebruikken. Huijden den 18^e mej 1626.

Inv. 10.2.

Fredrick Heindrick bijder gratie godts prince van Orangen, grave van Nassau, etc. etc. doen te weten dat alsoe Gerrit Maertensz. Vercroft wonende in Monster ambacht ons te kennen gegeven heeft dat hij gae... vande leenen die hij van ons als besitter vande heerlijcheijts goederen ende gerechticheijden vanden Huijsen van Wassenaer te leene hout onder sijne wettige kinderen geprocreert bij wijlen Maritgen Pieters dochter sijne huijsvrou was bij testamente off andersints soude disponeren, twelck hij niet vermochte noch wilde doen sonder daer toe te hebben onsen consente ende octroijen, het welck hij ootmoedelijck versochte. Soo ist dat wij genegen sijnde totter voorsz. supplicatie, den voorsz. Gerrit Maertensz. Vercroft geconsenteert ende geoctrojeert hebben, consenteeren ende octrojeeren met desen onsen brieven te mogen disponeeren ordonneeren van sijne leenen van ons inde voorsz. qualiteit gehouden, tsij bij testamente off andersints over sijn voorsz. wettige kinderen, tsij man ofte wijve die hij tselve maecken sal, mits dat hij ofte sij tselve vanden voorsz. Huijsen van Wassenaer binnen behoorlicke tijde ontfangen ende de hoffrechten betaelen. Ten oerconden hebben wij hier aen doen hangen onsen zegel dat wij tot de leene van Wassenaer gebrucken. Huijden den 11^e october anno 1600 ende negenentwintich.

NATIONAAL ARCHIEF 'S-GRAVENHAGE

COLLECTIE CAZIUS

TOEGANGSNUMMER 3.22.24

INVENTARISNUMMER 11

AKTE VAN BELENING VAN

CORNELIS GERRITSZ. VERCROFT

1632

1 CHARTER

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Frederick Heijndrick bij der gratien godts prince van Orangien, grave van Nassau, Cathenellebogen, Vianden, Diets, Lingen, Muers, Bueren, Leerdam, marquijs vander Veer ende Vlissingen, heer ende baron van Breda, der stadt Grave ende vanden landen van Cuijck, Dijest, Grimbergen, Arlaj, Neseroij, Ste. Vijt, Doesburch, erffburchgrave van Antwerpen ende van Besancon, heere van Ste. Geertruidenberge, de Hooge ende Laege Zwaluwe, Naeltwijck, erffmaerschalc van Hollant etc. gouveneur capiteijn generael ende admirael etc. doen te weten dat wij behoudens ons ende een ijgelijx sijns rechts verlijdt ende verleent hebben, verlijen ende verleenen met desen onsen brieven Gerrit Maertensz. Vercroft drie mergen anderhalff hont lants gelegen inden ambocht van Waeteringe in Baniers wooninge, belegen sijnde aen die oost sijde die broederen van Waeteringen, aen die west, suijs ende noordsijden die susteren van sinte Aechten binnen Delft. Hem aengecomen bij doode ende als naeste leenvolger van Marietgen Gerritsdr. Vercroft sijn moeder. Te houden van ons als besitter vande goederen, heerlicheijden ende gerechticheijden vanden Huijse van Wassenaer ende Zuijdtwijck. Gerrit Maertensz. Vercroft voorsz. sijnen erven ende naercomelingen tot twee diversche ende verscheijde leenen ende voorts tot alsulcken recht ende leene als die oude handtvesten ende registeren daer van sijnde dat uijtwijsen ende verclaeren. Te verheergewaerden beijde de voorsz. leenen elcx met een rooden sparwer off met vijff schellingen hollants pajments daer vooren. Ende van desen voorsz. leene heeft ons huldt, eedt ende manschap gedaen naer behooren de voorsz. Gerrit Maertensz. Vercroft. Waer bij aen ende over waeren Joachim Coop van Groen notaris ende Jan van Persijn leenmannen vanden Huijse van Wassenaer ende Zuijdtwijck voorsz. Ten oirconden hebben wij hier aen doen hangen onsen zegel dat wij totte leenen van Wassenaer gebruikken. Huijden den 18^e mej 1626.